

PRIJEDLOG

IZVJEŠTAJ O RADU EKONOMSKO SOCIJALNOG VIJEĆA ZA TERITORIJU FBiH ZA 2014. GODINU



Mart/ožujak 2015. godine

IZVJEŠTAJ O RADU EKONOMSKO-SOCIJALNOG VIJEĆA ZA TERITORIJU FEDERACIJE BIH ZA 2014. GODINU

Broj održanih sjednica

Ekonomsko-socijalno vijeće za teritoriju Federacije BiH u 2014. godini održalo je ukupno 4 redovne sjednice, 2 vanredne sjednice, 1 tematska sjednica Vlade Federacije BiH i socijalnih partnera, i 4 Kolegija ESV-a.

Broj tačaka dnevnog reda

Tokom ove godine razmatrano je ukupno 17 tački dnevnog reda.

Pregled tački dnevnog reda

Na sjednicama ESV-a razmatrani su: zakoni, izvještaji, informacije.

Zakoni

1. Nacrt zakona o sigurnosti i zdravlju na radu;
2. Nacrt zakona o štrajku;
3. Nacrt zakona o izmjenama i dopunama zakona o unutrašnjoj trgovini;
4. Nacrt zakona o izmjenama i dopunama Zakona o pripadnosti javnih prihoda u Federaciji BiH;
5. Zakon o izmjenama i dopunama Zakona o turističkim zajednicama i unapređenju turizma u Federaciji BiH;
6. Nacrt zakona o porezu na dobit;
7. Prijedlog Zakona o privrednim društvima.

Informacije i rasprave

1. Informacija o aktuelnoj ekonomsko-socijalnoj i bezbjedonosnoj situaciji, te prijedlogu mjera za prevazilaženje trenutnog stanja u Federaciji BiH;
 2. Razmatranje aktuelne situacije u vezi prirodnih nesreća u Federaciji BiH;
 3. Zahtjev za učešće socijalnih partnera u upravljačkim strukturama sistema socijalne sigurnosti;
 4. Zahtjev za ocjenu ustavnosti pojedinih odredbi kantonalnih Zakona o šumama;
 5. Projektni plan rada u vezi s formalizacijom neformalne ekonomije (ILO);
Ostali akti
-
1. Izvještaj o radu ESV-a za 2013. godinu i realizacija zaključaka ESV-a;
 2. Usvajanje Izvještaja o finansijskom poslovanju ESV-a za 2013. godinu i finansijski plan poslovanja ESV-a za 2014. godinu;
 3. Evidencija o prisustvu sjednicama ESV-a;
 4. Izvještaj sa 107. Tematske sjednice Vlade Federacije BiH;
 5. Reakcija na Dopunsko pismo namjere MMF-u od 13.06.2014. godine.

Ostale tačke dnevnog reda su usvajanje zapisnika, zaključaka i rasprave (razno).

VAŽNIJI ZAKLJUČCI KOJI SU NA INICIJATIVU DELEGACIJE UPFBiH DONESENI NA SJEDNICI ESV-a

1. Delegacija Udruženja poslodavaca Federacije BiH nije dala saglasnost na Nacrta zakona o sigurnosti i zdravlju na radu. Prema zaključcima ESV-a dogovoreno je da se socijalni partneri ponovo sastanu, razmotre sporne odredbe Nacrta zakona o sigurnosti i zdravlju na radu i o dogovorenom izvijeste Ekonomsko socijalno vijeće.
2. Delegacija UPFBiH također nije podržala Nacrt Zakona o štrajku. Shodno tome zaključak ESV-a je bio da se održi tripartitni sastanak socijalnih partnera, koji bi trebali razmotriti sporne odredbe Nacrta zakona o štrajku i o postignutom dogovoru izvijestiti Ekonomsko-socijalno vijeće. Obzirom da se socijalni partneri nisu mogli usaglasiti vezano za termin, sastanak još uvijek nije održan a Nacrt zakona o štrajku, nije upućen u Parlament Federacije BiH.
3. Na inicijativu delegacije UPFBiH, socijalni partneri su donijeli zaključak da se održi tematska sjednica Vlade Federacije BiH, na kojoj će se razmatrati ekonomsko-socijalna situacija u Federaciji BiH i Prijedlog mjera za prevazilaženje krize koju je pripremila Udruženje poslodavaca u FBiH. Tematska sjednica Vlade FBiH i predstavnika delegacije poslodavaca i sindikata održana je 03. aprila 2014. godine. Zaključci tematske sjednici bili su slijedeći:
 - Sve mjere koje su predložili SSSBiH i UPFBiH, a prihvatili ih resorni federalni ministri, postaju sastavni dio Programa rada Vlade FBiH.
 - U vezi mjera koje nisu prihvaćene, formirat će se radna grupa sastavljena od predstavnika sva tri socijalna partnera, čiji je zadatak da razgovara sa resornim ministrima.
 - Tražit će se i vanredna sjednica Parlamenta Federacije BiH, kako bi i zakonodavno tijelo bilo uključeno u provedbu ovih mjera.
 - Za 60 dana u istom sastavu bit će organizovan novi sastanak, na kojem će biti analizirana provedba predloženih mjera.

Na žalost unatoč brojnim urgencijama i naporima koje je učinilo Udruženje poslodavaca u FBiH moramo naglasiti da ni jedan od predloženih zaključaka sa Tematske sjednice nije realizovan.

4. Na inicijativu UPFBiH kao društveno odgovorne i socijalno osjetljive organizacije poslodavaca, Ekonomsko socijalno vijeće je donijelo zaključak da se do kraja 2014. godine 30 % od naknade članova ESV-a uplaćuje u Federalni Fond za solidarnost.
5. Na inicijativu Udruženja poslodavaca u FBiH a vezano za ukidanje članarina za TZ, Ekonomsko socijalno vijeće je donijelo zaključak da se traži da:
 - Federalno ministarstvo okoliša i turizma očituje na prijedlog UPFBiH o izmjenama zakonske regulative vezane za oblast turizma te da Federalno ministarstvo okoliša i turizma obavijesti Ekonomsko socijalno vijeće o presudi Ustavnog suda koja se odnosi na ustavnost regulative vezane za turističke članarine i takse;

- Vlada Federacije BiH pokrene inicijativu za izmjenu legislative o parafiskalnim nametima.
6. Delegacija UPFBiH nije podržala tekst Nacrta zakona o porezu na dobit. Obzirom da je podrška od strane UPFBiH neophodna za stavljanje Zakona u dalju proceduru, Ekonomsko socijalno vijeće je zatražilo od Federalnog ministarstva financija, da u što kraćem roku, organizuje Okrugli sto radi rasprave o Nacrtu zakona o porezu na dobit, na koji pored socijalnih partnera trebaju biti pozvani i predstavnici međunarodnih institucija.
 7. Ekonomsko socijalno vijeće FBiH je također na inicijativu UPFBiH uputilo inicijativu Vladi Federacije BiH da izvrši izmjene postojećih propisa koji reguliraju učešće socijalnih partnera u upravljačkim strukturama sistema socijalne sigurnosti i pokrene inicijativu za uključivanje socijalnih partnera u upravljanje fondovima socijalne sigurnosti.
 8. Na inicijativu UPFBiH Ekonomsko socijalno vijeće FBiH je predložilo Vladi Federacije BiH da pokrene pitanje ustavnosti kantonalnih zakona o šumama. Također ESV je Kolegiju Doma naroda Parlamenta FBiH uputilo inicijativu za ubrzano razmatranje Nacrta zakona o šumama.

Na inicijativu ESV-a Vlada FBiH je u julu 2014. godine donijela zaključak da Federalno ministarstvo poljoprivrede, vodoprivrede i šumarstva izradi prijedloge apelacija Ustavnom sudu FBiH za ocjenu ustavnosti Zakona o šumama. Shodno navedenom zaključku Federalno ministarstvo poljoprivrede, vodoprivrede i šumarstva je izradilo prijedloge apelacija Ustavnom sudu Federacije BiH za ocjenu ustavnosti zakona o šumama koje su donijeli sljedeći kantoni: Unsko-sanski kanton, Tuzlanski kanton, Posavski kanton, Zeničko-dobojski kanton, Kanton Sarajevo, Srednjobosanski kanton, Bosansko-podrinjski, Zapadnohercegovački kanton i Kanton 10. Hercegovačko-neretvanski kanton još uvijek nije usvojio Zakon o šumama. U skladu sa navedenim zaključkom Vlade Federacije BiH i uputama Sekretara Vlade, apelacije su u septembru 2014. godine dostavljene Premijeru Federacije BiH kao ovlaštenom predlagачu.

Sarajevo, mart/ožujak 2015. godine

Delegacija UPFBiH u ESV-u